

總目
圖卷上

重訂本草綱目序

顏鄙老生旣病且懶負
此三患世莫能醫其對
案不食憑牀不寐則病
之爲也醫書堆於前而

莫能擇調攝之法經於
耳而不肯深味則懶之
爲也家玉函氏通才懿
行而良於醫今之越人
也謂予子弢可解也請

卽以子之懶治子之病
懶於搜覽亦將懶於心
思空乎其無所迎也浩
浩其無所留也庶亦有
瘳熟識周身者而後可

洞一臟察諸症之源委
者而後可審一病精於
方藥之大全者而後可
治一方明於天文地利
物理山川草木土石金

鐵微細嵬瑣分別變化
之情性者而後可用一
藥故使以醫視醫書倦
則思棄莫若等之爲靈
異博物禪官逸史神仙

遊戲之說可興可觀可
駭可樂引之使詳析之
使辨娓娓而不疲不厭
則子之懶將自治懶治
而所苦當自知可一刀

圭起也予謝曰然哉本
草綱目行世已久然醫
家亦間有束之不觀者
况餘人乎玉函氏特求
善本精較而梓行之將

以嘉惠後來豈僅李君
之益友亦不愧神農之
功臣矣予重有惜者本
草綱目人雖不盡知然
亦多拱壁奉之肆其考

訂而通其意者若通鑑
綱目儒家者流人置一
冊何遵紫陽之教者無
其人也良可悲夫

順治乙未春日吳太沖

拜書



重訂本草綱目自序

大凡書不足以集大成其編纂不足以備體用則綱目勿稱焉載籍極博猶爲考信是也曩東璧李先生荆楚博雅君子也成本草綱目一書人

第知先生綜核羣籍文成億
萬分十六部五十二卷不知
以彼其才歲歷三十霜書采
八百餘家稿三易然後告成
事焉其間圖象繪形芟複補
闕繩譌解惑仍其舊而新是

圖如舊本千五百一十有八
種而外所增三百七十有四
蓋李氏之新書也亦旣勤且
詳進乎大道矣然未敢自信
請王弇州先生爲立晏往余
寓目而游心焉先生之書觀

止于發凡與遺表中獨是輯
成治法見其炮製一準乎雷
公且有用苗用根用子與葉
之別申言寒熱溫涼之性升
降浮沉之理味有五曰甘曰
鹹曰酸曰苦曰辛治有三曰

汗曰吐曰下以越宜通瀉補
輕重滑澁燥濕之十劑復權
衡大小緩急奇偶復之間明
晰大毒小毒無毒畏惡相反
之忌至於分引經絡列諸驗
方衷夫藥性易不云乎本乎

天者親上本乎地者親下亦
各從其類也矧清陽之氣出
上竅濁陰之氣行下竅清陽
發腠理濁陰走五臟亦大彰
明較著者也豈第物產從地
名從主人便叅稽觀覽云爾